



Arkivnr: 2015/11453-64
Saksbehandlar: Adeline Berntsen Landro

Saksframlegg

Saksgang

Utval	Saknr.	Møtedato
Hordaland fagskulestyre		16.02.2017

Felles klagenemnd for Fagskolane i Hordaland og Dykkarutdanninga ved Høgskulen på Vestlandet

Samandrag

Høgskulen på Vestlandet har teke kontakt med opplæringsavdelinga med ein førespurnad om å ha felles klagenemnd med Fagskolane i Hordaland for Dykkarutdanninga ved høgskulen. Bakgrunnen for førespurnaden om å dele klagenemnd med Fagskolane i Hordaland er nye krav til samansetning av klagenemnda og utfordring med å ivareta krava for få fagskulestudentar i eit stort høgskulesystem.

Administrasjonen ved opplæringsavdelinga har hatt eit innleiande møte med Høgskulen på Vestlandet om vilkåra for ei felles klagenemnd. I møtet vart det mellom anna drøfta samansetning av klagenemnda, felles instruks for klagenemnda, sakshandsaming av klagesaker og kompensasjon, og ein vart samd om at det var mogleg å få til ei høveleg ordning. Vidare vart det avtalt å fremja sak til fagskulestyret og styret for Høgskulen på Vestlandet for oppslutning til å gå vidare med å formalisera ein avtale om felles klagenemnd.

Forslag til vedtak

Fagskulestyret gjev administrasjonen ved opplæringsavdelinga løyve til å utarbeide ein avtale med Høgskulen på Vestlandet om felles klagenemnd for Dykkarutdanninga og Fagskolane i Hordaland.

Svein Leidulf Heggheim
fylkesdirektør opplæring
ansvarleg for saksførebuing til fagskulestyret

Linda Farestveit
seksjonsleiar skule

Saksframlegget er godkjent elektronisk og har derfor inga underskrift.

Vedlegg

- 1 Oppretting av ny lokal klagenemnd for Fagskolane i Hordaland

Fylkesrådmannen, 25.01.2017

Høgskulen på Vestlandet har teke kontakt med opplæringsavdelinga med ein førespurnad om å ha felles klagenemnd med Fagskolane i Hordaland for Dykkarutdanninga ved høgskulen. Dykkarutdanninga er ei fagskuleutdanning og det einaste tilbodet Høgskulen på Vestlandet har på fagskulenivå. Dykkarutdanninga var tidlegare Statens dykkerskole og har som oppgåve å lære opp yrkesdykkarar og personell knytt til operasjonar under vatn. Høgskulen på Vestlandet er den einaste i landet som gjev denne utdanninga med formelle eksamenar for dykkarar og dykkarpersonell. Hausten 2016 var det 24 studentar ved Dykkarutdanninga.

Bakgrunnen for førespurnaden om å dele klagenemnd med Fagskolane i Hordaland er nye krav til samansetning av klagenemnda og utfordring med å ivareta krava for få fagskulestudentar i eit stort høgskulesystem. NOKUT har også oppmoda fagskular om å gå saman om å etablere ei felles klagenemnd med andre fagskular dersom det er vanskeleg og ressurskrevjande ved små fagskulemiljø.

Administrasjonen ved opplæringsavdelinga har hatt eit innleiande møte med Høgskulen på Vestlandet om føresetnadene for ei felles klagenemnd og er svært positiv til at dette skal la seg ordne på ein god måte. I møtet vart det mellom anna drøfta samansetning av klagenemnda, felles instruks for klagenemnda, sakshandsaming av klagesaker og kompensasjon, og ein vart samd om at det var mogleg å få til ei høveleg ordning. Vidare vart det avtalt å fremja sak til fagskulestyret og styret for Høgskulen på Vestlandet for oppslutning om å gå vidare med å formalisere ein avtale om felles klagenemnd.

Avklaringar i høve til å etablere ei felles klagenemnd

Styret for Fagskolane i Hordaland vedtok i møte 18.11.2016 (sjå vedlegg) oppretting av ny klagenemnd og ny instruks for klagenemnda. For å etablere ei felles klagenemnd med Dykkarutdanninga må det verte gjort nokre endringar i instruksen for å klargjere at klagenemnda også skal handsame saker for Dykkarutdanninga. Det er ikkje naudsynt å gjere endringar i samansetninga med det første, men det kan vurderast i samband med val av studentrepresentantar for kvart skuleår om det også skal vere ein student frå Dykkarutdanninga i klagenemnda. Vidare må ein avklare om klagenemnda både skal handsame klager og kunne fatte enkeltvedtak i høve til disiplinære sanksjonar for Dykkarutdanninga.

Høgskulen på Vestlandet arbeider med ei eiga forskrift for Dykkarutdanninga jf. nye lovkrav, slik det også vert arbeidd med for Fagskolane i Hordaland. Det er ikkje naudsynt at forskriftene er like, og eventuell handsaming av klager frå Dykkarutdanninga vil verte sakshandsama i høve til forskrifta som er kunngjort av høgskulen.

Vidare ser administrasjonen føre seg at sakshandsaming av klager frå Dykkarutdanninga kan verte utført av opplæringsavdelinga slik som ved klager frå Fagskolane i Hordaland. Dette vil gjere det enklare for klagenemnda i høve til å ha eitt sakshandsamingssystem å halde seg til. Vidare vil ein som med klagenemnda i dag nytte den juridiske kompetansen som er i Hordaland fylkeskommune. Med bakgrunn i dette må det også drøftast vidare i høve til kompensasjon i samband med handsaming av klager frå Dykkarutdanninga.

Vidare saksgang

Administrasjonen ved opplæringsavdelinga vil tilrå at fagskulestyret gjev administrasjonen løyve til å utarbeide ein avtale med Høgskulen på Vestlandet om felles klagenemnd for Dykkarutdanninga og Fagskolane i Hordaland. Forslag til samarbeidsavtale mellom institusjonane og endring av instruks for klagenemnda vil verte lagt fram for handsaming i fagskulestyret 05.05.2017. Styret for Høgskulen på Vestlandet vil også handsame sak om forslag til samarbeidsavtale og instruks for klagenemnda i mai.